



## **KENYATAAN MEDIA**

### **KARNIVAL KERJAYA AGRIKOMODITI 2021 TAWAR LEBIH 8,600 JAWATAN KOSONG DALAM SEKTOR KOMODITI**

---

1. Lebih 8,600 jawatan kosong daripada 26 majikan sektor perladangan dan industri komoditi ditawarkan pada Karnival Kerjaya Agrikomoditi 2021 yang bermula hari ini. Seramai 3,000 peserta warga tempatan termasuk para siswazah dan komuniti Orang Asli dijangka mengambil bahagian dalam karnival dua hari ini.
2. Karnival anjuran Kementerian Perusahaan Perladangan dan Komoditi (KPPK) dengan kerjasama Kementerian Sumber Manusia (KSM) menerusi Pertubuhan Keselamatan Sosial (PERKESO), dirasmikan secara maya oleh Menteri Perusahaan Perladangan dan Komoditi, YB Dato' Dr Mohd. Khairuddin Aman Razali hari ini. Turut hadir ialah Menteri Sumber Manusia, YB Datuk Seri M. Saravanan. Majlis perasmiannya boleh ditonton melalui pautan <https://bit.ly/3rguSgY>.
3. Bagi pencari kerja, pendaftaran untuk menyertai Karnival Kerjaya Agrikomoditi 2021 boleh dilakukan menerusi pautan <https://careerfair.perkeso.gov.my>. Selain daripada sesi temuduga secara maya, program taklimat tentang PenjanaKerjaya 2.0 dan Portal MYFutureJobs serta sesi Webinar Peluang Kerjaya Di Sektor Agrikomoditi turut diadakan.

4. Sejak Januari 2020, Portal Perkhidmatan Pekerjaan Negara MYFutureJobs telah mengumpul sebanyak 1,027,099 kekosongan jawatan dan dalam tempoh tersebut, sejumlah 187,251 individu telah berjaya mendapat pekerjaan menerusinya.
5. **Program PenjanaKerjaya 2.0 yang diumumkan dalam Belanjawan 2021, menawarkan insentif bulanan sebanyak RM500 hingga RM2,000 di bawah kategori ‘Malaysianization’ kepada pekerja tempatan yang mengisi kekosongan jawatan yang selalunya disandang oleh pekerja asing.**
6. **Bagi kategori tersebut, majikan layak menerima insentif sebanyak 40 peratus daripada gaji bulanan pekerja, dengan nilai maksimum yang akan diterima adalah RM4,000. Pekerja dan majikan dalam kategori ini akan menerima insentif untuk tempoh enam bulan. Selain itu, pekerja juga layak menerima Bantuan Mobiliti sebanyak RM500 atau RM1,000 secara *one-off*.**
7. Semua pihak terutamanya golongan belia, graduan dan seluruh rakyat Malaysia adalah dijemput untuk menyertai karnival kerjaya ini bagi merebut peluang pekerjaan selain meneroka bidang baharu berikutan kehilangan pekerjaan akibat pandemik COVID-19 di sektor agrikomoditi dan seterusnya membantu merealisasikan usaha Kerajaan untuk mengatasi isu pengangguran negara.

**KEMENTERIAN PERUSAHAAN PERLADANGAN DAN KOMODITI &  
KEMENTERIAN SUMBER MANUSIA**

Putrajaya

9 Mac 2021